

Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 4. An distinguantur distinctione rationis ratiocinatæ?

[urn:nbn:de:hbz:466:1-52248](https://nbn-resolving.de/urn:nbn:de:hbz:466:1-52248)

192. *Obj. 2.* Distinctio virtualis minor est capacitas salvandi contradictoria intentionalia; sed talis capacitas implicat; ergo & talis distinctio. *R. D. Maj.* Est capacitas salvandi contradictoria verè talia N. apparenter talia C. prior capacitas implicat, non autem posterior. Data distinctio facit hunc sensum: Distinctio virtualis est fundamentum, vi cuius unus gradus præscindi intentionaliter potest ab altero, de quibus deinde gradibus sic præcisis & intentionaliter distinctis, possum v. g. dicere: animal sentit, rationale non sentit, quæ certò non sunt contradictoria verè talia, tum quia non cadunt supra idem in statu intentionaliter; tum quia rē non nequaquam sumitur negativē, sed tantūm præcisiū. *Si ais.* Ad salvanda talia contradictoria sufficit distinctio rationis; ergo superflua distinctio virtualis. *R. D. Ant.* Sufficit distinctio rationis ratiocinatæ, quæ fit cum fundamento in re C. Distinctio rationis ratiocinantis. N.

§. IV.

An gradus Metaphysici formaliter actualiter distinguuntur distinctione Rationis ratiocinata?

193. *Dico.* Gradus metaphysici formaliter actualiter distinguuntur distinctione rationis ratiocinatae. *Ratio est.* Illa distinguuntur formaliter actualiter distinctione rationis ratiocinatae, quæ cum fundamento in re pro statu intentionaliter de se invicem negantur, à se invicem separantur, diversis definitionibus inadæquatis definitur;

untur; hæc enim signa sunt distinctionis rationis ratiocinatæ; sed gradus metaphysici pro statu intentionali de se invicem negantur &c. Ergo distinguuntur formaliter actualiter distinctione rationis ratiocinatæ. *Minor* hucusque satis probata est contra Realistas, Scotistas, Thomistas.

194. *Obj.* 1. Intellectus nequit facere, ut non substantia realiter, sit substantia intentionaliter; ut album realiter, sit nigrum intentionaliter. &c. ergo nec facere poterit, ut ea, quæ sunt idem realiter, sint formaliter actualiter distincta intentionaliter. *R.* Ex supposito, quod non sit lis de omni actu intellectus, etiam fingente. *N. Conf. Disp. est* 1. Quia posito actu intellectus & objecto cognito, quod non est substantia, vel quod est album, non resultat, aut sequitur denominatio substantiae vel nigri. Econtrà autem posito actu inadæquatè repræsentativo, & objecto virtualiter multiplici cognito inadæquatè, resultat aliqua divisione intentionalis, & consequenter distinctio. *Disp. est* 2. In priori casu intellectus non habet fundamentum; habet autem in posteriori.

195. *Obj.* 2. Distinctio rationis ratiocinatæ vel est gradibus metaphysicis intrinseca, vel extrinseca? Neutrum dici potest; ergo. *R. N. min.* Utrumque dici potest. Est enim intrinseca ab extrinseco: *Intrinsica* est, si formaliter & passim spectetur, quia sic accepta est forma alietatis intentionalis, quæ est in ipsis extremis intentionalibus. *Ab extrinseco* est, si sumatur

activæ

156 DE DIST. GRADUUM METAPHYS.

activè & causaliter; quia sic accepta provenit ab extrinseco, sive actu intellectus præscidente. *Si quis.* Actus intellectus est objecto merè extrinsecus; sed distinctio rationis est actus intellectus; ergo. *R. D. Min.* Distinctio rationis activa & causalis est actus intellectus. *C. Passiva & formalis N.*

196. *Observa.* Malè argumentantur AA. sic: Quæ per rationem non distinguuntur, etiam non distinguuntur realiter; ergo vicissim, quæ non distinguuntur realiter, nec distinguuntur per rationem. Nam antecedens falsum esse inde patet; quod ea, quæ realiter distinguuntur, non distinguantur per rationem; quia distinctio rationis est alietas intentionalis unius ab altero sibi realiter identificata; sed inter realiter distincta non est talis alietas; ergo nec distinctio rationis. Deinde permisso antecedente est adhuc *Disp.* tum quia distinctio rationis habet fundamentum in re, quod in casu posito non habet distinctio realis; tum quia intellectus noster pollet virtute abstractivâ, quâ potest realiter conjuncta intentionaliter separare. *Si inferant:* Ergo intellectus naturas rerum intrinsecè mutaret. *R. D. Illat.* Mutaret intrinsecè *physicè & in esse rei*, aliquid in naturis producendo. *N.* Mutaret intrinsecè *intentionaliter, & in esse objecti*, aliquid præscindendo, ex quo necessariò resultat distinctio & separatio passiva gradus unius ab altero. *C.*

§. V.